



ქალაქ ფოთის მუნიციპალიტეტის საკრებულო

განკარგულება № 12/53



2023 წლის 24 ოქტომბერი

ქალაქი ფოთი

არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სერვისების ცენტრის“ ანგარიშის შესახებ

ქალაქ ფოთის მუნიციპალიტეტის საკრებულო აღნიშნავს, რომ საქართველოს ორგანული კანონის „ადგილობრივი თვითმართველობის კოდექსი“ 106¹ მუხლის მე-15 პუნქტის, „ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ,“ ქალაქ ფოთის მუნიციპალიტეტის საკრებულოს 2022 წლის 31 იანვრის №1/5 დადგენილებით დამტკიცებული რეგლამენტის 118-ე მუხლის პირველი პუნქტის შესაბამისად, მუნიციპალიტეტის კერძო სამართლის იურიდიული პირის ხელმძღვანელობაზე უფლებამოსილი პირის მიერ გაწეული საქმიანობის ანგარიშს საკრებულოს თავმჯდომარის მიერ დადგენილი რიგითობის მიხედვით განიხილავს საკრებულოს შესაბამისი კომისია, საკრებულოს ბიურო და საკრებულო.

წარმოდგენილი ანგარიშის თანახმად, საანგარიშო პერიოდში არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სერვისების ცენტრის“ საქმიანობის მიზნებისა და ამოცანების შესაბამისად გარკვეული საქმიანობა აქვს ჩატარებული მუნიციპალიტეტის ტერიტორიის კეთილმოწყობის, შესაბამისი ინფრასტრუქტურის განვითარების, საბინაო ფონდის მოვლა-პატრონობის, ქუჩების, პარკების, სკვერების, სანიაღვრე არხების და სხვა საჯარო ადგილების დასუფთავების, ნაგვის გატანისა და ტერიტორიის გამწვანების თვალსაზრისით. ანგარიშში წარმოდგენილია ნუსხა იმ ღონისძიებების, რომლებიც საანგარიშო პერიოდში განხორციელდა მომსახურების სხვადასხვა სფეროში. უნდა აღინიშნოს, რომ სისტემატიური მონიტორინგისა და პროფილაქტიკური ღონისძიებების გატარების შედეგად მოხეტიალე პირუტყვის ქალაქში დაფიქსირების შემთხვევების რაოდენობამ ბოლო პერიოდში მნიშვნელოვნად იკლო. რაც შეეხება მიუსაფარი მაწანწალა ძაღლების კონტროლს, ხორციელდება მათი დროებითი იზოლირება-გადაყვანა, იდენტიფიკაცია საქდით, დეჰელმენტიზაცია, ვაქცინაცია, სტერილიზაცია/კასტრაცია და დაბრუნება პირვანდელ ლოკაციაზე (სპეციალური თავმესაფარის არქონის გამო ძაღლების

მხოლოდ დროებითი იზოლაცია ხდება). ყოველი თვის დასაწყისში ხდება ყველა სატუმბო სადგურის შემოვლა-დათვალიერება, გამოვლენილი დეფექტების აღმოფხვრა. ხორციელდება სატუმბო აგრეგატების, საკონტროლო მზომი სასიგნალო მოწყობილობების, ძალოვანი ტრანსფორმატორების, მართვის ფარების და გამშვები აპარატურების მუშაობაზე მუდმივი მეთვალყურეობა ექსპლუატაციის დადგენილი ნორმებით.

წლებია ძირითად პრობლემას „ქალაქ ფოთის მუნიციპალიტეტის სერვისების ცენტრის“ მუშაობაში წარმოადგენს სპეცტექნიკის დეფიციტი, ასევე დიდი თანხები იხარჯება სპეცტექნიკის -ამწე ჟირაფის, ექსკავატორის, გრეიდერის და სხვა სპეცტექნიკის- იჯარაზე. აქვე უნდა აღინიშნოს ის, რომ მაღალი კვალიფიკაციისა და გამოცდილების მქონე კონტინგენტის (როგორც მუშათა კატეგორიის, ისე სპეციალისტების) მოზიდვა გამწელებულია დაბალი თანამდებობრივი სარგოების გამო.

ზემოხსენებულიდან გამომდინარე მიზანშეწონილია, არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სერვისების ცენტრის“ ანგარიში ცნობად იქნას მიღებული

აღნიშნულიდან გამომდინარე:

მუხლი 1.

ცნობად იქნას მიღებული „არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სერვისების ცენტრის“ ანგარიში გაწეული მუშაობის შესახებ.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, აღმაშენებლის ქუჩა №3).

მუხლი 3.

განკარგულება ძალაშია ხელმოწერისთანავე.

საკრებულოს თავმჯდომარე



ალექსანდრე ტყეშუჩავა

**ა(ა) იპ „ქალაქ ფოთის მუნიციპალიტეტის სერვისების ცენტრის“
საქმიანობის 2023 წლის ანგარიში**

1. სტრუქტურა

ა(ა)იპ „ქალაქ ფოთის მუნიციპალიტეტის სერვისების ცენტრი“ შეიქმნა ფოთის მუნიციპალიტეტის მერის 2017 წლის 7 დეკემბრის #902 ბრძანების საფუძველზე.

ა(ა)იპ „ქალაქ ფოთის მუნიციპალიტეტის სერვისების ცენტრი“ მუშაობას შეუდგა 2018 წლის 1 იანვრიდან. აღნიშნული ორგანიზაცია აერთიანებს მომსახურების რამოდენიმე სფეროს, მათ შორის:

1. ქუჩების დაგვა -დასუფთავება და საყოფაცხოვრებო ნარჩენების გატანა (მერიისა და სხვა

ადმინისტრაციული შენობების მოვლა პატრონობისა და დალაგების მომსახურება)

2. გამწვანებითი სამუშაოები, სკვერების მოვლა-პატრონობა

3. ქალაქის ქუჩების გარე განათების ქსელის მოვლა-პატრონობა.

4. უმეტესადაც დარჩენილი პირუტყვის კონტროლი (აქვე მიუსაფარი ძაღლები)

5. მოსაკრებლის ადმინისტრირების განყოფილება

6. საბინაო ფონდის მოვლა -პატრონობა

7. ქუჩების სარემონტო სამუშაოები

8. სანიაღვრე არხების და სატუმბი სადგურების მოვლა-პატრონობა

9. მინი სპორტული მოედნების მოვლა-პატრონობა (შეიქმნა 2023 წლის 01 აგვისტოდან) 2023 წლის 01 ოქტომბრის მდგომარეობით თანამშრომელთა რაოდენობა შეადგენდა - 394 კაცს (354 კაცი ძირითადი, 40 კაცი შტატგარეშე)

2. ბიუჯეტი

- ა(ა) იპ „ქალაქ ფოთის მუნიციპალიტეტის სერვისების ცენტრი“-სათვის 2023 წლის 1 იანვრიდან 31 დეკემბრის ჩათვლით პერიოდში ზემოთხსენებული სამუშაოების და მომსახურებების გასაწევად ბიუჯეტიდან გამოყოფილ იქნა -5 611 600 ლარი, აქედან მ/წლის 9 თვეში 4 379 300 ლ. მათ შორის შრომის ანაზღაურებაზე- 2 815 200 ლ (ფაქტიურად ათვისებულ იქნა 2 639 800ლარი), შტატგარეშე თანამშრომლების ანაზღაურებაზე -247 000 (ათვისებულ იქნა -131 100 ლარი) , ოფისის ხარჯებზე-69 600 ლარი (ფაქტიურად ათვისებულ იქნა -66 900 ლარი), რბილი ინვენტარის და უნიფორმის შესაძენად -61 500 ლ (ათვისებულ იქნა -61 300ლარი), ტრანსპორტის, ტექნიკის ექსპლუატაციაზე და მოვლა-შენახვის ხარჯებზე -456 300ლ (ათვისებულ იქნა 366 100ლ), სხვა დანარჩენი საქონელი და მომსახურება -657 600 ლ (ფაქტიურად ათვისებულ იქნა -500 600ლ), არაფინანსურ აქტივებზე - 48 300 ლ (ათვისებულ იქნა 21 700 ლარი), მივლინებაზე - 1000 ლ (ფაქტიურად ათვისებულ იქნა -800 ლ), სხვა ხარჯებზე (დაზღვევაზე) -5 800 ლ (ათვისებულ იქნა -1 900 ლარი), სოციალურ უზრუნველყოფაზე (საავადმყოფო ფურცლის ანაზღაურება)-16 200ლ (ფაქტიურად ათვისებულ იქნა 12 900ლ), სამედიცინო ხარჯზე -800ლ (ათვისებულ იქნა 800ლ)

სულ 9 თვეში გამოყოფილი 4379300 ლარიდან ფაქტიურად ათვისებულ იქნა (ფაქტიური დაფინანსება) – 3 803 900 ლარი, ხარჯი შეადგენდა 3 683 680 ლარს

ასევე საწარმოს საკუთარი შემოსავლებიდან გამოყენებულ იქნა -85 830 ლარი.

3. შესყიდვები

სამსახური ყველა სახის შესყიდვებს ახორციელებს საქართველოს კანონის „სახელმწიფო შესყიდვების შესახებ“-ის შესაბამისად. მ/წლის 9 თვის განმავლობაში ელექტრონული ტენდერის საშუალებით განხორციელებულ შესყიდვებზე გაფორმებულ იქნა ხელშეკრულება 28 მომწოდებელთან -სულ 676880,51 ლარზე, გამარტივებული ტენდერით 305 ხელშეკრულება 190 576,74 ლარზე, ხოლო კონსოლიდირებული ტენდერით 27 ხელშეკრულება --458256,54 ლარზე.

ფაქტიურად მ/წლის 9 თვეში განხორციელდა 565948,45 ლარის შესყიდვა ელ.ტენდერით, 147 940,59 ლარის შესყიდვა გამარტივებული ტენდერით და 310 310,47 ლარის შესყიდვა კონსოლიდირებული ტენდერით, სულ ჯამში განხორციელდა 1 024 199,51 ლარის შესყიდვა.

4. უსაფრთხოება

სამსახურის თანამშრომლებისთვის საჭიროებისამებრ შეძენილ იქნა პირადი დაცვის (სპეცტანსაცმელი, სამუშაო ხელთათმანები, სპეცფეხსაცმელი, უსაფრთხოების ქამარი) და ჰიგიენური საშუალებები (საპონი).

ყველა თანამშრომელი თითქმის სრულად არის უზრუნველყოფილი დაკავებული პოზიციის შესაბამისად საჭირო ინვენტარით და მოწყობილობით

ჩატარდა სამუშაოები შრომის დაცვისა და უსაფრთხოების მიზნით:

- ინდივიდუალურად ა(ა)იპ-ში შემავალი განყოფილებების ყველა თანამშრომლისთვის ჩატარებულ იქნა და პერიოდულად ტარდება შრომის დაცვისა და უსაფრთხოების ინსტრუქტაჟი, რომელიც ფიქსირდება ყოველკვარტალური ინსტრუქტაჟის ჟურნალებში, უსაფრთხოების სამსახურის თანამშრომლების (2 კაცი) მიერ სისტემატიურად მოწმდება უსაფრთხოების ნორმების დაცვის საკითხი უშუალოდ თანამშრომელთა სამუშაო ადგილებზე.

5. სამოქმედო გეგმა

სამსახურის ყველა განყოფილება მუშაობას ახორციელებს მოთხოვნა-საჭიროებიდან გამომდინარე შედგენილი გეგმა-გრაფიკის შესაბამისად, ასევე საწარმოო და საქალაქო აუცილებლობიდან გამომდინარე რეაგირებას ახდენენ ცალკეულ შემთხვევებზე (მოქალაქეთა განცხადებებზე).

ქუჩების გარე განათების, საბინაო ფონდის მოვლა პარტონობის, გამწვანების და სანიაღვრე არხების მოვლა-პატრონობის განყოფილებები ძირითადად მუშაობენ როგორც სპეციალისტების ინსპექტირების შედეგად დაგეგმილი გრაფიკის შესაბამისად, ასევე მოსახლეობიდან და ორგანიზაციებიდან შემოსული შეტყობინებების (რომელიც ფიქსირდება

ყოველდღიურად სპეციალურ ჟურნალებში და ოპერატიულად გადაეცემათ შესაბამის სამსახურებს) მიხედვით.

6. საქმიანი ეზო

ა(ა)იპ-ში ფუნქციონირებს საქმიანი ეზო, რომელიც სხვა განყოფილებებთან ერთად ახორციელებს ქალაქის საჭიროებიდან გამომდინარე სამუშაოების შესრულებას.

სახელდობრ, მ/წლის 9 თვეში შესრულდა შემდეგი სამუშაოები:

საქმიან ეზოში-

1. შესრულდა ტერიტორიის მოხრეშვის სამუშაოები
2. მოეწყო ავტოსამრეცხაო
3. ავტოსამრეცხაოში შესრულდა იატაკის მოჭიმვის სამუშაოები
4. საქმიანი ეზოს საამქროში შესრულდა ელგაყვანილობის სამუშაოები
5. საქმიანი ეზოს სასაწყობე კონტეინერებში შესრულდა თაროების (სტელაჟების) მოწყობის სამუშაოები
6. საქმიანი ეზოს ადმინისტრაციული შენობის კორიდორში შესრულდა ელ. გაყვანილობის მოწესრიგების და კოსმეტიკური სამუშაოები
7. საქმიანი ეზოს წინა პერიმეტრზე ახლად გადმოცემული მიწის ნაკვეთის - ტერიტორიის მოწყობის სამუშაოები
8. მოეწყო ახალი სასაწყობე ფართი 360 კვ.მ
9. შეკეთდა ძველი სასაწყობე და დამხმარე ნაგებობები

ქალაქის ტერიტორიაზე-

10. დაზიანებული დასასვენებელი სკამების აღდგენა-შეკეთება-შედგენის სამუშაოები
11. კაცაძის ქუჩაზე მომხდარი ხანძრის შემდგომ საჭირო სამუშაოების ჩატარება
12. სამეგრელოს ქუჩაზე არსებულ სკვერში რკინის ღობის შედუღება-შეკეთება-აღდგენის სამუშაოები, ბერდიანსკის ქუჩაზე „ბუნგალოს“ და მინი-სტადიონის რკინის კონსტრუქციების და მავთულბადის შედუღება-აღდგენის სამუშაოები
13. ქალაქ ფოთის მუნიციპალიტეტის ადმინისტრაციულ საზღვრებში მდებარე შუქნიშნების დგარების გაწმენდის და ანტიკოროზიული დამუშავების სამუშაოები

7. გამწვანების სამსახური

საანგარიშგებო პერიოდის განმავლობაში -მ/წლის 9 თვეში ქალაქის მასშტაბით გაითიბა მწვანე საფარი- როგორც ქუჩებში, ასევე სკვერებსა და პარკებში- სულ 2 695 428 კვ.მ (გასული წლის შესაბამის პერიოდში გათიბულ იყო 1 858 788კვ.მ), გაიკაფა 10640 კვ.მ ტერიტორია, მოიჭრა 54 ძირი ხე და შეისხეპა-გაისხლა 68 ძირი ხე, დამუშავდა და გატანილ იქნა 143 ძირი ქარისგან დაზიანებული ხე, დამუშავდა 84 ძირი ხე და გატანილ იქნა ტოტები. ფორმირებულ იქნა 1145 ძირი ხე-მცენარე და ყვავილოვანი ბუჩქი და 260გრძ.მ ბუჩქოვანი ბორდიური, ხეების მოჭრა, გადაბეღვა, დამუშავება ხდება ძირითადად მოსახლეობის მოთხოვნა-განცხადების საფუძველზე ქალაქ ფოთის მუნიციპალიტეტის მერიის შესაბამისი სამსახურის მიერ გაცემული ნებართვით და სტიქიის შედეგების ლიკვიდაციის მიზნით. დაირგო 49 ძირი პალმა, 55 ძირი მუხა და 43 ძირი კედარი. კირით შეთეთრებულ იქნა 4035

ძირი ხე. ყოველდღიურად წარმოებს სკვერებისა და პარკების დაგვა-დასუფთავება, საჭიროებისამებრ ნარგავების ირგვლივ ნიადაგის შემობარვა და სავალი გზების ფილების ნიჩბებით გაფხეკა-გაწმენდა. განყოფილება კონტროლს უწევს სკვერებსა და პარკებში მოსასვენებელი სკამების შეკეთება-შედგენის და განათების მოწესრიგების საკითხს

განყოფილების მიერ გაწეული კერძო მომსახურებიდან (განაცხადების საფუძველზე კერძო მფლობელობაში არსებული ტერიტორიების გათიბვა) შემოსული თანხის ოდენობამ შეადგინა 5090 ლარი

აღნიშნული სამუშაოების შესასრულებლად განყოფილებაზე მ/წ 9 თვეში გამოყოფილ იყო 573 600 ლარი. ფაქტიურმა დაფინანსებამ (საკასო შესრულება) შეადგინა 433 800 ლარი (ხარჯი შეადგენდა 440687 ლ)

8. ქუჩების დაგვა-დასუფთავებისა და საყოფაცხოვრებო ნარჩენების გატანის განყოფილება

ქალაქის ქუჩების დაგვა/დასუფთავება და საყოფაცხოვრებო ნარჩენების სპეცტექნიკით გატანა წარმოებს დამტკიცებული გრაფიკის სრული დაცვით ყოველდღიურად. ხორციელდება 41 ქუჩის (374328კვ.მ ფართი) და სეზონურად მალთაყვის ზღვის სანაპირო ზოლთან მისასვლელი გზის და ზღვის სანაპიროს (50147კვ.მ ფართით) დაგვა-დასუფთავება. გარდა ამისა, სუფთავდება ქალაქში შექმნილი ხელოვნური ნაგავსაყრელებიც. სანაგვე კონტეინერების დაცლა ხდება დღეში 2-ჯერ, საჭიროების შემთხვევაში სრულდება დამატებითი რეისებიც. კარდაკარ შემოვლით მოსახლეობიდან ნაგავი გაიტანება დღეში 1-ჯერ (ერთი და იგივე ქუჩიდან ყოველ მე-2 დღეს)

თვითმცლელების საშუალებით კი ხდება ქალაქის სხვადასხვა უბნიდან საწარმოო, სამშენებლო თუ სხვა სახის ნარჩენების(ხის ტოტები, უვარგისი საოჯახო ავეჯი, ტექნიკა და სხვა) გატანა.

ქალაქში დღეის მდგომარეობით 501 ლოკაციაზე განთავსებულია 756ც სანაგვე კონტეინერი (გასული წლის შესაბამის პერიოდში სხვადასხვა ლოკაციებზე განთავსებულ იყო 716ც სანაგვე კონტეინერი.

ქალაქის მუნიციპალიტეტისგან გადმოგვეცა მეეზოვეებისათვის უნიფორმები და სპეციალური სატარებელი ურიკები. ასევე სანაგვე კონტეინერები - 1100 ლიტრიანი - 500ცალი, 120 ლიტრიანი -30 ცალი, 240 ლიტრიანი-50ცალი, ქუჩის ურნები 50 ლიტრიანი-507 ცალი.

ქალაქ ფოთის მუნიციპალიტეტში პირველად ჩვენი საწარმოს ინიციატივით შედგენილ იქნა სხვადასხვა ლოკაციებზე კონტეინერების განლაგების რუკა შესაბამისი ჯიპიარესის კოორდინატების დატანით. რაც საშუალებას გვაძლევს ნებისმიერ მომენტში გავაკონტროლოთ ჯიპიარესდამონტაჟებული მანქანების გადაადგილებისას, გადიან თუ არა ისინი სრულ ტრაექტორიას და ხომ არა აქვს ადგილი ტექნიკის მომსახურე პერსონალის მიერ ნარჩენებით სავსე კონტეინერების დაუცლელობის ფაქტების დაშვებას.

ქალაქის ქუჩების დაგვა-დასუფთავებას და ნარჩენების შეგროვება-გატანას ემსახურება სპეციალიზებული ავტოსატრანსპორტო პარკი, რომელიც ქალაქის ხელმძღვანელობის უშუალო ძალისხმევით ბოლო პერიოდში შევსებული და გაახლებული იქნა, რამაც თითქმის მთლიანად აღმოფხვრა შეფერხებები და შესაძლებლობა მოგვცა გაგვეხორციელებინა სრულყოფილი მომსახურების გაწევა. დასახელებულ სამუშაოების შესრულებას საწარმო ახორციელებს შემდეგი სახის ტექნიკით:

- სპეციალიზებული მექანიკური დამგველი -(დაგვა და სველი დამუშავება) -1 ერთეული
- სპეციალიზებული ნაგავმზიდები - 8 ერთეული -აქედან 2 ერთეული 2023წელს მიღებული
- სატვირთო ბორტიანი- 7 ერთეული -აქედან 6 ერთეული ახალი (2023წლის)
- თვითმცლელი - 7 ერთეული
- თვლიანი ტრაქტორი -4 ერთეული (ზღვის სანაპირო ზოლის დასუფთავებაზე)- აქედან 3 ერთეული ახალი
- თვითმცლელი მისაბმელი -4 ერთეული -აქედან 3 ერთეული ახალი
- ექსკავატორი -2 ერთეული -აქედან 1 ერთეული ახალი

2023წელს მიმდინარეობს აქტიური მუშაობა საქართველოს მყარი ნარჩენების კომპანიასთან ნარჩენების მართვის ელექტრონულ პროგრამაზე, რომელიც სავარაუდოდ წლის ბოლომდე დასრულდება და 2024 წლის 01 იანვრიდან მოხდება საწარმოზე გადმოცემა და დანერგვა, რის შემდეგაც შესაძლებელი გახდება კონტროლის გაწევა ქალაქის დასუფთავებასა და ნარჩენების გატანაზე ნებისმიერ დროს, ნებისმიერ ლოკაციაზე.

განყოფილება მომსახურებას უწევს ასევე კერძო კომპანიების (17 ერთეული) მოთხოვნის საფუძველზე მათ ტერიტორიაზე დამატებით დადგმულ სანაგვე კონტეინერებს (30ცალი). აღნიშნული მომსახურებიდან მ/წლის 9 თვეში შემოსულია 65550 ლარი.

აღნიშნული სამუშაოების შესასრულებლად განყოფილებაზე მ/ წლის 9 თვეში გამოყოფილი იყო 1 582 100 ლარი, ფაქტიურმა დაფინანსებამ-საკასო შესრულება- შეადგინა 1405 200ლ (ხარჯი შეადგენდა 1 306 477ლარს)

9.საბინაო ფონდი

საბინაო ფონდის და მოვლა-პატრონობის განყოფილება ძირითადად სამუშაოებს აწარმოებს მოსახლეობიდან შემოსული განცხადება-შეტყობინებების საფუძველზე (რომელიც ყოველდღიურად ფიქსირდება სპეციალურ ჟურნალში) და სისტემატიურად კონტროლდება შესრულების მიმდინარეობაც. ყოველთვიურად წარმოდგენილ შესრულებულ სამუშაოების ნუსხას თან ერთვის ქალაქის მუნიციპალიტეტის წარმომადგენლების მიერ სამუშაოების ნამდვილად შესრულების დამადასტურებელი აქტები სხვადასხვა უბნებში. მ/წლის იანვარ-სექტემბრის პერიოდში შემოსულია 577 წერილობითი განაცხადი, რომელთაგან 571 დაკმაყოფილებულია და 6- შესრულების პროცესშია. გარდა შემოსული განცხადებებისა სამსახურის მიერ სისტემატიურად ხდება საცხოვრებელი მასივების ტერიტორიების დათვალიერება- ინსპექტირება და საჭიროების შემთხვევაში ოპერატიული რეაგირება.

ძირითადად შესრულებულია შემდეგი სამუშაოები: ეზოებში საკანალიზაციო ჭეხის, ამონიჩხვის ორმოების და საერთო სარგებლობის საპირფარეშოების გაწმენდა სპეცმანქანით, სარდაფებში, ეზოებში და სადარბაზოებში საკანალიზაციო ქსელის შეცვლა, გასუფთავება, მონტაჟი და სხვა. სახელდობრ:

1. გაიწმინდა საკანალიზაციო ქსელი და ჭები -- 320 ს/სახლში , 1 ცალი - მუნიციპალიტეტის მერიამში, 5 ცალი - ადმინისტრაციულ შენობაში, 1 ცალი - სკ.ს. დაწესებულებაში, 1 ცალი კულტურის სახლში, 1 ცალი ცენტრალურ სტადიონზე
2. ეზოებში გაიწმინდა ს/სარგებლობის საკანალიზაციო ამონიჩხვის ორმოები - 166 ცალი, მათ შორის - 25 ცალი - 25 ს/სახლში - 3 ცალი N1 საჯარო სკოლაში, 8 ცალი - ქალაქის მუნიციპალიტეტში, 1 ცალი - სკ.ს. დაწესებულება და 129 - კერძო მომსახურება- ბავშვთა ცენტრი , შპს ლოჯისტიკა, შპს „აიდისი“ და კერძო სახლები. სულ კერძო მომსახურებისას შესრულდა 134 რეისი და შემოსული თანხის რაოდენობამ შეადგინა 6352 ლარი.
3. ეზოში გაიწმინდა საერთო სარგებლობის საპირფარეშო - 4 ცალი - 4 ს/სახლში
4. ეზოში დამონტაჟდა საკანალიზაციო სისტემა - 132,5 მეტრი - 18 ს/სახლში
5. ეზოში აღდგენილ იქნა დაზიანებული საკანალიზაციო სისტემა - 2 ს/სახლში
6. ეზოში შეკეთდა დაზიანებული საკანალიზაციო სისტემა - 1 ს/სახლში
7. ეზოში დამონტაჟდა ფასონური ნაწილები - 30 ცალი - 15 ს/სახლში
8. ეზოში დამონტაჟდა საწვიმარი სისტემა - 10,5 მეტრი - 1 ს/სახლში
9. ეზოში აშენდა და მოპირკეთდა საკანალიზაციო ჭები - 5 ცალი - 4 ს/სახლში
10. ეზოში შეკეთდა და მოპირკეთდა საკანალიზაციო ჭები - 13 ცალი, მათ შორის - 12 ცალი - 9 ს/სახლში და 1 ცალი - მუნიციპალიტეტის მერიამში
11. ეზოში დამონტაჟდა საკანალიზაციო ჭის რკინა ბეტონის თავსახურები - 14 ცალი - მათ შორის 13 ცალი - 10 ს/სახლში და 1 ცალი მუნიციპალიტეტის მერიამში
12. ეზოში შეკეთდა საერთო სარგებლობის საკანალიზაციო ამონიჩხვის ორმო - 1 ცალი - 1 ს/სახლში
13. ეზოში მოისხა ბეტონის საფარი - 24 ს/სახლში
14. ეზოში დაიშალა საკანალიზაციო სისტემა, დასუფთავდა და აეწყო - 1 ს/სახლში
15. სარდაფიდან ეზოს საკანალიზაციო ჭამდე გაიწმინდა საკანალიზაციო სისტემა - 2 ს/სახლში
16. სარდაფიდან ამოიტუმბა წყალი და ფეკალური მასა - 7200 მ³ - 32 ს/სახლში
17. სარდაფიდან ეზოს საკანალიზაციო ჭამდე დამონტაჟდა საკანალიზაციო სისტემა - 59 მეტრი - 8 ს/სახლში
18. სარდაფში დამონტაჟდა საკანალიზაციო სისტემა - 235 მეტრი - 45 ს/სახლში
19. სარდაფში დამონტაჟდა ფასონური ნაწილები - 318 ცალი - 59 ს/სახლში
20. სარდაფში დაიშალა საკანალიზაციო სისტემა, დასუფთავდა და აეწყო - 40 ს/სახლში
21. სარდაფში დამონტაჟდა საწვიმარი სისტემა - 50,3 მეტრი - 6 ს/სახლში
22. სარდაფში დაიშალა საწვიმარი სისტემა, დასუფთავდა და აეწყო - 1 ს/სახლში
23. სართულებს შუა ეზოს საკანალიზაციო ჭამდე დამონტაჟდა საკანალიზაციო სისტემა - 23 მეტრი - 2 ს/სახლში
24. სართულებს შუა დამონტაჟდა საკანალიზაციო სისტემა - 53,5 მეტრი - 10 ს/სახლში
25. სართულებს შუა დამონტაჟდა ფასონური ნაწილები - 80 ცალი - 15 ს/სახლში
26. სართულებს შუა დაიშალა საკანალიზაციო სისტემა, დასუფთავდა და აეწყო - 3 ს/სახლში

27. სართულებსშუა ეზოს ჭამდე დაიშალა საკანალიზაციო სისტემა, დასუფთავდა და აეწყო - 1 ს/სახლში
28. შიდა წყლის სისტემა დამონტაჟდა - 8 მეტრი - მუნიციპალიტეტის მერია (საკრებულო)
29. შიდა წყლის სისტემის ფასონური ნაწილები დამონტაჟდა - 37 ცალი - მუნიციპალიტეტის მერია (საკრებულო), მალთაყვის ზღვის სანაპირო, ადმინისტრაციული შენობა
30. ს/ბინიდან საკანალიზაციო ჭამდე დამონტაჟდა საკანალიზაციო სისტემა - 4 მეტრი - 1/სახლში
31. წყალსაწრეტი სისტემის ძაბრი გამოიცვალა - 14 ცალი - 8 ს/სახლში
32. წყალსაწრეტი სისტემის ღარი გამოიცვალა - 196 მეტრი - 15 ს/სახლში
33. წყალსაწრეტი სისტემის მილები გამოიცვალა - 171 მეტრი - 17 ს/სახლში
34. წყალსაწრეტი სისტემის ფასონური ნაწილები გამოიცვალა - 49 ცალი - 13 ს/სახლში
35. თუნუქის ფურცელი გამოიცვალა - 26 მ² - 3 ს/სახლში
36. გამომშრალი ხის მასალა გამოიცვალა - 15 ცალი - 1 ს/სახლში
37. წყალსაწრეტი სისტემის ღარის სამაგრი გამოიცვალა - 20 ცალი - 1ს/სახლში
38. გარე წყლის სისტემის ფასონური ნაწილები დამონტაჟდა - 19 ცალი-მალთაყვის მუნიციპალიტეტის სპორტული მოედნის მიმდებარედ
39. სართულებსშუა სარდაფამდე დამონტაჟდა საკანალიზაციო სისტემა - 4 მეტრი - 1ს/სახლში
40. სარდაფიდან ქუჩის არხამდე გამოიცვალა საკანალიზაციო სისტემა - 19 მეტრი - 1ს/სახლში

მ/წლის 9 თვეში კერძო მომსახურების გაწევიდან (შემოსული განაცხადების საფუძველზე ამონიჩბვის ორმოების გაწმენდა) შემოსული თანხის ოდენობამ შეადგინა 6352 ლარი

დასახელებული სამუშაოების შესასრულებლად განყოფილებაზე მ/ წლის 9 თვეში გამოყოფილ იყო 231 900 ლარი, ფაქტიური დაფინანსება-საკასო შესრულება- შეადგენდა 217 000 ლარს. (ხარჯი შეადგენდა 211 684 ლარს)

10. გარე განათება

ქუჩების გარე განათების ქსელის მოვლა-პატრონობის განყოფილება ემსახურება ქალაქში არსებულ 6500 განათების წერტილს და ძირითადად სამუშაოებს აწარმოებს მოსახლეობიდან შემოსული განცხადება-შეტყობინებების საფუძველზე (რომელიც ყოველდღიურად ფიქსირდება სპეციალურ ჟურნალში). მ/წლის 9 თვეში დაფიქსირებული გვაქვს 86 შეტყობინება, მაგრამ სამუშაოები ძირითადად ხორციელდებოდა სპეციალისტების მიერ ჩატარებული მონიტორინგის შედეგად გამოვლენილი დაზიანებების აღმოსაფხვრელად.

ძირითადად ხორციელდებოდა შემდეგი სამუშაოები: საჭიროებისამებრ გარე განათების სანათების შეცვლა, პროექტორებისა და ელექტრო-გამანაწილებელი კარადების შეკეთება/შეცვლა, დაზიანებული ლითონის ბოძების აღდგენა ან ახლით შეცვლა, სადენების შეერთების შემოწმება, კაბელის იზოლაციის წინაღობების შემოწმება, კაბელის დაზიანებული ნაწილების შეცვლა; ქსელში ძაბვისა და დატვირთვის შემოწმება, დენკვებების დარეგულირება, კონტაქტორების დარეგულირება-შეცვლა, დამჭერების გადაჭერა, ფოტორელეების რეგულირება -შეცვლა და სხვა. გარდა განცხადება-შეტყობინებებისა სამუშაოები ასევე ხორციელდება სპეციალისტების მიერ ჩატარებული მონიტორინგის შედეგად გამოვლენილი დაზიანებების აღმოსაფხვრელად.

9 თვეში გამოცვლილ იქნა:

-დროსელი -4 ც

-მაგნიტური გამშვები -13ც

-ეკონათურა-279ც

-ელ.კაბელი სპილენძის 1141 და ალუმინის -554 გრძ.მ

-ელ.სადენი -1021გრძ.მ

-კაბელის სამაგრი სიპჩამჭერი -499ც

-ელ.გამთიშველი-30ც

-ელ.ავტომატი-5ც

-ლედის სანათის ჩიპი-125ც

-ლედის სანათის დრაივერი-175ც

-ელ.ვაზნა-36ც

-სანათი წერტილოვანი ოთხკუთხედი-58

-ლედსანათი ოვალური-11

განათების ბურთი -55ც

გოფრირებული მილი 50მმ -297მ

ლედის სანათი -34

კაბელის სამაგრი ჩამჭერი -303

ელ.როზეტი -5

შუალედური კაბელის სამაგრი ჩამჭერი -157

ლითონის მილი-14მეტრი

ლედის პროექტორი-18

პროექტორის კვების ბლოკი-86

გარე განათების სანათის პლატა-42

აღნიშნული სამუშაოების შესასრულებლად განყოფილებაზე მ/ წლის 9 თვეში გამოყოფილი იყო 193 600 ლარი, ფაქტიურმა დაფინანსებამ შეადგინა 163 100ლარი, (ხარჯი შეადგენდა 172 337ლარს)

11. მოსაკრებლის ადმინისტრირების განყოფილება

01 ოქტომბრის მდგომარეობით მოქმედი ხელშეკრულებების რაოდენობაა 833.

დაანგარიშდა დავალიანებები ფიზიკური პირების (ადრე არსებული ბაზის გამოყენებით), დაანგარიშების პროცესი და ბაზის განახლება -ცვლილებები მიმდინარეობს ამ ეტაპისთვისაც.

აბონენტად დარეგისტრირებულ მოქალაქეებს საკუთარი სააბონენტო კოდის გამოყენებით შეუძლიათ მათზე რიცხული დავალიანების ნახვა ყველა გადახდის აპარატში, ბანკებსა და მათზე მიბმულ სპეციალიზირებულ ინტერნეტ პროგრამებში და შესაბამისად გადასახადის გადახდაც, რაც გარკვეულ წილად სერვისსაც აუმჯობესებს და გვაქვს პროგნოზი თანხების შემოსულობების ზრდის ტენდენციისაც.

განყოფილების წლიური გეგმა (ამოსაღები თანხა) არის 609100 ლარი. განყოფილების მიერ მ/წლის 9 თვეში ამოღებულ იქნა 535008 ლარი და ზრდამ წინა წელთან შედარებით პროცენტულად შეადგინა 14% -გასული წლის შესაბამის პერიოდში ამოღებულ იყო 469476 ლარი. ამოღებული თანხიდან ფიზიკური პირებზე მოდის 47956 ლარი, ხოლო იურიდიულ პირებზე 487052 ლარი

შესაბამისი განყოფილების თანამშრომლები აქტიურად თანამშრომლობდნენ უბნების მუნიციპალიტეტებთან, შედარება-მოძიების შედეგადაც დაზუსტდა ფიზიკური პირების-აბონენტთა სულაღობები და საკონტაქტო ტელეფონები. აღნიშნულმა კი შესაძლებლობა მოგვცა სისტემატიური კომუნიკაციები დაგვემყარებინა და გვეკონტროლებინა დავალიანების მქონე აბონენტებიდან თანხების ამოღება. ამის შედეგია ის, რომ მ/წლის 9 თვეში ფიზიკური პირებიდან ამოღებული თანხა 2-ჯერაა გაზრდილი (გასულ წელს იყო 24035 ლ, მ/წელს შეადგენს 47956ლარს). ასევე უნდა აღინიშნოს რომ ყოველთვიურად მოსახლეობიდან ამოღებული თანხის ოდენობა მნიშვნელოვნად გაიზარდა ივლისის თვიდან, თუ წლის პირველ ნახევარში მათგან შემოსული თანხა თვეში შეადგენდა საშუალოდ 2500ლარს, მე-3 კვარტალში ყოველთვიურად შემოდის საშუალოდ 10 600ლარი

საქართველოს ადგილობრივი თვითმმართველი ერთეულების ფინანსთა ასოციაცია მ/წლის ნოემბერ-დეკემბერში დაასრულებს მუშაობას მოსაკრებლის ადმინისტრირების ელექტრონულ პროგრამაზე და მომავალი წლის 01 იანვრიდან დაინერგება საწარმოში, რაც განყოფილების სპეციალისტების მიერ შესაბამისი მონაცემების შეყვანის შემდეგ ავტომატურად დარიცხავს აბონენტთა გადასახდელ თანხას, დაიანგარიშებს დავალიანებას და გააგზავნის სმს შეტყობინებებს .

აღნიშნული სამუშაოების შესასრულებლად განყოფილებაზე მ/ წლის 9 თვეში გამოყოფილი იყო 102 900 ლარი, ფაქტიურმა დაფინანსებამ შეადგინა 95 400 ლარი (ხარჯი შეადგენდა 94 313 ლარს)

12.უმეთვალყურეოდ დარჩენილი ცხოველების კონტროლის განყოფილება

მ/წლის 9 თვეში უმეთვალყურეოდ დარჩენილი ცხოველების კონტროლის განყოფილების თანამშრომლები ძირითადად მუშაობდნენ ქალაქის მასშტაბით აკრძალული ტერიტორიებზე მოხეტიალე ცხოველების მოხვედრის თავიდან ასაცილებლად პრევენციულ

ღონისძიებების უზრუნველყოფაზე. უნდა აღინიშნოს, რომ სისტემატიური მონიტორინგისა და პროფილაქტიკური ღონისძიებების გატარების შედეგად მოხეტიალე პირუტყვის ქალაქში დაფიქსირების შემთხვევების რაოდენობამ ბოლო პერიოდში მნიშვნელოვნად იკლო.

სულ 9 თვეში დაფიქსირებულ იქნა ქალაქში უმეტვალყურეოდ დარჩენილი ცხოველების ხეტიალის 34 შემთხვევა. ყველა შემთხვევაში იზოლირებული პირუტყვის მეპატრონეებთან გაფორმდა ადმინისტრაციული სამართალდარღვევის 35 ოქმი 39 სულ საქონელზე. მეპატრონეების მიერ ჯარიმის თანხა 650 ლარი - შეტანილ იქნა ხაზინის ანგარიშზე, ხოლო პირუტყვის გადაყვანის და მოვლა-შენახვის თანხა 1645 ლარი შემოტანილ იქნა საწარმოს ანგარიშზე.

ა(ა) იპ ქალაქ ფოთის მუნიციპალიტეტის სერვისების ცენტრსა და ინდ.მეწარმე „ლერი ჩხარტიშვილს“ შორის 2022 წლის 29 დეკემბერს გაფორმებული #621 ხელშეკრულების საფუძველზე მ/წლის იანვარ-სექტემბრის თვეში განხორციელდა ქალაქიდან 286 ერთეული მიუსაფარი ძაღლის დაჭერის, თავშესაფარში გადაყვანის და თანმდევი სამედიცინო მომსახურების(იდენტიფიკაცია საჭდით, დეჰელმენტიზაცია, ვაქცინაცია, სტერილიზაცია/კასტრაცია) გაწევა და კვლავ პირვანდელ ლოკაციაზე დაბრუნება

აღნიშნული სამუშაოების შესასრულებლად განყოფილებაზე მ/ წლის 9 თვეში გამოყოფილი იყო 189 400 ლარი, ფაქტიურმა დაფინანსებამ -საკასო შესრულება- შეადგინა 157 800ლარი, (ხარჯი შეადგენდა 172 597ლარს)

13.ქუჩების სარემონტო სამუშაოების განყოფილება-

მ/წლის 9 თვეში სხვადასხვა ლოკაციებზე- სულ 58 ქუჩაზე დაყრილ იქნა 1900,9მ³ ხრეში (ღორღი)

ასევე ქალაქის მასშტაბით 95 ქუჩაზე დაგრეიდერდა 374453მ² გზის საფარი

გარდა ამისა განყოფილების მიერ შესრულებულ იქნა სხვადასხვა სახის სამუშაოები:

- საქმიანი ეზო-ახალი საწყობის მშენებლობის სამუშაოები-
- საცხოვრებელი ბინების დაზიანებული სახურავების შეკეთება-გამაგრება საბინაო ფონდის მოვლა-პატრონობის განყოფილებასთან ერთად
- ქალაქის მასშტაბით ძლიერი სტიქიის შედეგად დაზიანებული და წაქცეული ხეებისგან ტერიტორიის დასუფთავება-
- სტიქიის შედეგად დაზიანებული ქალაქის მთავარი ნაძვის ხის შეკეთება-
- ეპარქიის სახურავის შეკეთება-
- სტიქიის შედეგად დაზიანებული ჭავჭავაძის ქუჩა #14-ში მდებარე სააღმზრდელო დაწესებულების სახურავის შეკეთება
- აღმაშენებლის #54- შენობის წინ სტანდარტული ზომის საგზაო ნიშნის მონტაჟი
- სტიქიის შედეგად დაზიანებული მე-3 საჯარო სკოლისა და 9აპრილის #20 საცხოვრებელი ბინის სახურავების დამტვრეული საფარისგან გასუფთავება
- დაზიანებული საგზაო ნიშნების აღდგენა-
- ეპარქიის ტერიტორიაზე სტიქიის შედეგად დაზიანებული ღობის აღდგენა-
- საბინაო განყოფილებასთან ერთად საცხოვრებელ ბინებში, სკოლებში და სკოლამდელ სააღმზრდელო დაწესებულებებში საწვიმური სისტემის გაწმენდა- შეკეთება-

- ქალაქის მასშტაბით სტიქიის შედეგად დაზიანებული საფეხმავლო ბილიკების გაწმენდა-
- დაზიანებული საგზაო ნიშნების აღდგენა
- დაზიანებული სავენტილაციო მილის შეკეთება-
- საბუხრეების შეფუთვა
- სახურავის პარაპეტის შეკეთება ნაწილობრივ-
- საწვიმარი სისტემის აღდგენა-გაწევა- გამოცვლა
- საფეხმავლო გზების გაწმენდა თოვლის საფარისაგან-
- №12 საჯარო სკოლის კიბის დაზიანებული უჯრედების აღდგენა-
- კუნძულის სანაპირო ზოლზე დაზიანებული საფეხმავლო გზის შემოღობვა უსაფრთხოების ლენტით-
- ახალგაზრდობის ქუჩაზე ამკრძალავი ნიშნის მონტაჟი-
- აღმაშენებლის №54- ეზოს დაზიანებული შესასვლელი კარის აღდგენა-
- 9 აპრილის მემორიალის შეღებვა
- საზ.ტრანსპორტის მოსაცდელის სახურავის გამოცვლა
- ხიდის ბორდიურების და მოაჯირების შეღებვა
- შუქნიშნის ბოძების შეღებვა
- დიდების მემორიალის მონუმენტის შეღებვა
- მემორიალის ტერიტორიაზე დაზიანებული ღობის შეკეთება-შედუღება
- მალთაყვის ზღვის სანაპიროზე სათვალთვალო კოშკურის შეკეთება
- დაზიანებული ბუნგალოების შეკეთება-შეღებვა

აღნიშნულ განყოფილებაზე მ/წლის 9 თვეში გამოყოფილი იყო 431 400ლარი, ფაქტიურმა დაფინანსებამ შეადგინა 384 200 ლარი (ხარჯი შეადგენდა 370 685ლარს)

14. სანიაღვრე არხებისა და სატუმბი სადგურების მოვლა-პატრონობა

ყოველი თვის დასაწყისში ხდება სამუშაო ჯგუფის მიერ ყველა სატუმბი სადგურის შემოვლა-დათვალიერება, გამოვლენილი დეფექტების აღმოფხვრა. სატუმბ სადგურებზე გრაფიკის შესაბამისად წარმოებდა მორიგეობა. ხორციელდებოდა სატუმბი აგრეგატების, საკონტროლო მზომი სასიგნალო მოწყობილობების, ძალოვანი ტრანსფორმატორების, მართვის ფარების და გამშვები აპარატურების მუშაობაზე მუდმივი მეთვალყურეობა ექსპლუატაციის დადგენილი ნორმებით. ყოველდღიური მორიგეობის შესახებ ჩანაწერები შეიტანება სპეციალურ ჟურნალებში.

კოსტავას ქუჩა #189-ში მდებარე სატუმბ სადგურში შესრულდა #2 75 კვტ-იანი ტუმბოს პროფილაქტიკური სამუშაოები, შეკეთდა 2 ცალი რკინის ჭიშკარი, განხორციელდა ძველი კონტაქტორის ჩანაცვლება ახლით

კრატასიუკის ქუჩა #68-ში მდებარე სატუმბ სადგურში შესრულდა #I და II 75 კვტ-იანი ტუმბოს პროფილაქტიკური სამუშაოები, მოხდა ავტომატური ამომრთველის AM 3-250L-დემონტაჟი და 3P-630 BENTONG ამომრთველის მონტაჟი

შავი ზღვის ქუჩა #68-ში მდებარე სატუმბ სადგურში შესრულდა #1 75 კვტ-იანი ტუმბოს პროფილაქტიკური სამუშაოები, ავანკამერაზე მოწყობილი მოაჯირები

ნ.ნიკოლაძის სანაპიროზე #4-ში მდებარე სატუმბ სადგურში შესრულდა 110 და 37 კვტ-იანი ტუმბოების პროფილაქტიკური სამუშაოები, სატუმბ სადგურში არსებულ ცხაურებთან მოეწყო მოაჯირები, დაყენდა 50 ვატიანი გერმეტიული გარე სანათი.

მშვიდობის ქუჩა #109-ში მდებარე სატუმბი სადგურის თვითდენითი არხის ჩამკვეტ ფარზე მოხდა 2ტონიანი მექნიკური ტალის დემონტაჟი და დამონტაჟდა ახალი ტალი. ამავე სადგურში შეიცვალა თვითდენითი არხის ჩამკვეტი ფარის ელექტროტალის ტროსი 8მმ-იანი - 15 მეტრი

მშვიდობის ქუჩა #113-ში მდებარე სატუმბ სადგურში დამონტაჟდა 100 ამპერიანი ავტომატური ამომრთველი. ასევე მოხდა 2ცალი 50ვატიანი წერტილოვანი ოთხკუთხედი ელსანათის დამონტაჟება, გადაიხურა არსებული ცხაურები და მოეწყო მოაჯირები.

ბესიკის ქუჩა #27-ში მდებარე სატუმბ სადგურში წყლის გამშვებ ფარზე მოეწყო მოაჯირები გაითიბა და მოწესრიგდა სატუმბი სადგურების მიმდებარე ტერიტორიები

2023 წლის 9 თვეში ამოწმენდილ იქნა სანიაღვრე არხები 159078 გრძივი მეტრი.

აღნიშნული სამუშაოების შესასრულებლად განყოფილებაზე მ/ წლის 9 თვეში გამოყოფილი იყო 662 400 ლარი, ფაქტიურმა დაფინანსებამ შეადგინა 580 500ლ (ხარჯი შეადგენდა 571 523ლარს)

15.მინი სპორტული მოედნების მოვლა-პატრონობა (შეიქმნა მ/წლის 01 აგვისტოდან)

აგვისტოს თვეში განხორციელდა ქალაქის სხვადასხვა ლოკაციაზე განთავსებული მინი სპორტული მოედნების შემოვლა-დათვალიერება- შემდგომში შესასრულებელი სამუშაოების დაგეგმვის მიზნით.

მონიტორინგის შედეგად აღმოჩნდა, რომ თითქმის ყველა მოედანზე იყო ერთი და იგივე პრობლემა-დაზიანებულია ღობის -ლითონის მავთულბადის და ხელოვნური მწვანე საფარის გარკვეული ნაწილი, მოედნებზე არსებული განათების ბოძები გადასატანია მოედნების პერიმეტრს გარეთ, რათა შიგა ტერიტორიაზე დაცულ იქნეს იქ მყოფი ადამიანების უსაფრთხოება, ზოგან დასამონტაჟებელია გარე განათება, შესაღებია სპორტული მოედნების კარებები და ღობე და სხვა.

სექტემბრის თვეში განხორციელდა სხვადასხვა ლოკაციაზე განთავსებული სტადიონების შიგა პერიმეტრიდან გადატანილი და ახალი განათების ბოძების გარე პერიმეტრზე დაყენება-მონტაჟი და შეღებვა, მოხდა დაზიანებული კარებების დემონტაჟი-შეკეთება -მონტაჟი, შედუღდა მოედნების ლითონის ღობის დაზიანებული ადგილები და შეიღება. გაიწმინდა და მოწესრიგდა სპორტული მოედნების შიგა ტერიტორიები.

სულ ქალაქში არსებული 47 მინი სპორტული მოედნიდან მ/წლის აგვისტო-სექტემბრის თვეში მიმდინარე შეკეთებითი სამუშაოები ჩაუტარდა 12 მინი მოედანს

აღნიშნული სამუშაოების შესასრულებლად განყოფილებაზე მ/ წლის 9 თვეში გამოყოფილი იყო 55 000 ლარი, ფაქტიურმა დაფინანსებამ შეადგინა 13 200ლ (ხარჯი შეადგენდა 13 731ლარს)

16. ადმინისტრაციაზე მ/წლის 9 თვეში გამოყოფილი იყო 357 000ლარი, ფაქტიურმა დაფინანსებამ შეადგინა 353 700 ლარი (ხარჯი შეადგენდა 317 240ლარს)

საქმიან ეზოში საწყობის შენობის შეკეთების და ეზოს მიმდებარე ტერიტორიის შემოღობვაზე გაწეული ხარჯი -12405 ლარი

სულ 2023 წლის 9 თვეში გეგმით გათვალისწინებულ იყო 4 379 300ლარი. ფაქტიურმა დაფინანსებამ შეადგინა 3 803 900ლ (ხარჯი შეადგენდა 3 683 680 ლარს)

01 ოქტომბრის მდგომარეობით დებიტორული დავალიანება იყო 15 839 ლ, კრედიტორული დავალიანება -75 175 ლარი, მატერიალურ ფასეულობათა ნაშთი საწყობში და განყოფილებებში -685 048 ლარი

არსებული პრობლემები და ინიციატივები

ბოლო პერიოდში მუნიციპალიტეტის მიერ გადმოცემული სპეცტექნიკის მუშაობის პროცესში აქტიური ჩართვით მოგვარებულ იქნა საწარმოში არსებული პრობლემების მნიშვნელოვანი ნაწილი, რის შედეგადაც აღმოიფხვრა შეფერხებები და ქალაქის დასუფთავება და ნარჩენების გატანა ხორციელდება სრულყოფილად.

თუმცა ჯერ-ჯერობით დიდი თანხები იხარჯება ისეთი სპეც. ტექნიკის იჯარაზე, როგორებიცაა ამწე-კალათა 12 და 22 მეტრიანი, ავტო-ამწე და ავტო გრეიდერი. კარგი იქნება თუ მომავალში ფოთის მუნიციპალიტეტის მერია ორიენტირებას გააკეთებს აღნიშნული ტექნიკის შესყიდვაზე რითაც მომდევნო წლებში დაიზოგება საბიუჯეტო თანხები

ასევე სასურველია 1 ერთეული სპეციალიზებული ასენიზაციის მანქანის და მაგისტრალური არხების გასაწმენდად სპეციალიზებული ექსკავატორის ე.წ. „წერო“-ს შეძენა.

პრობლემა სპეცტექნიკის (ტრაქტორი და სხვა) მძღოლების, ელექტრიკოსის და სხვადასხვა კატეგორიის სპეციალისტების და მუშების მაღალკვალიფიციური და სერტიფიცირებული კადრების მოზიდვა, რადგან კერძო სექტორში დასაქმებულ შესაბამის პოზიციებზე ხელფასები ბევრად მაღალია, ვიდრე ჩვენთან.

ა(ა)იპ „ქალაქ ფოთის მუნიციპალიტეტის

სერვისების ცენტრის“ დირექტორი

ლადო გუნიავა

